

陳氏荷華山房詩稿

陳氏荷華山房詩稿卷之十四

高安陳邦瞻德遠著

五言排律五十五首

題憲副宋公思綸卷二十八韻代

紫蓋原鍾異胎簪重發祥鼎彝存舊績閭閻得
全昌磊落生人傑縱橫早擅場靈苗標獨秀瑤
萼吐彌芳說禮還推晉稱詩已邁唐迎鑿叅羽
仗秉鉞事戎行記室詞鋒銳軍前劍氣長雄韜
真虎變勇略更龍驤淮舶清無警海波肅不揚

千天親眷鍾萬斛轉樓櫓春滿長陵樹雲填洛
口倉丹心常拱極白首爲勤王名自高帷幄勲
宜紀大常侯封竅李廣更議困陳湯笑別青油
幕吟深綠野堂壯懷收赫韜息業付縹緗經緯
兼文武箕裘紹儁良鯉庭勤問答蘭砌儼趨蹌
目視驕驕奮親看鸞鷲翔濟源同水遠乘化等
舟藏嘉績俱遺訓循名總義方北扉忠捧日南
國令飛霜大宰騰功令 天朝錫寵章螭頭花
照耀馬鬣氣焜煌官自修文貴星仍執法光龍

書從日麗豸服借天襄崇秩新移列漑恩殊未
與祗應王皇詔長賁白雲鄉

代友人張孝廉上蔡選部三十二韻

洛海玄靈闕閩山紫氣長異才鍾間氣殊貢出
遐方吏部風流古中郎奕葉光遠孫多汗血夫
子獨飛黃儒雅孫弘比天才管輅行漢經窮白
虎魯與索公羊汗竹憑較輓青雲任激昂豹文
原變霧鵬氣早橫霜獻賦登金馬函書達建章
宮花迎劍佩苑柳映衣裳顧盼雲霄裏翻飛日

月傍已堪期稷契那復數嚴楊江海紆 皇眷
朝廷遣僑良雙鳧隨鳥下一鶴與琴將花滿河
陽縣風清單父堂循良卑卓魯淳古見虞唐薦
剡天爲笑徵書國欲狂無私天下宰有美尚書
郎紫禁凌廳入丹墀夾日翔班心驚照玉省眼
重含香物望歸崔亮時名屬謝莊九流俱藻鏡
三管盡明揚不獨升鶴鷺還看引鳳凰台堦親
咫尺輦路待扶匡永作天喉舌常司帝紀綱一
人虛密勿萬物藉幾康下走曾推轂愚蒙口只負

墻彈冠羞貢禹
仰首誤孫陽
珠斗終難捫
銀河
豈易航
畏途恒落落
岐路益皇皇
桃李春風館
詞華羽獵場
瞻依空有戀
終夜拜文昌

代陳茂才送憲副孟公二十六韻

大楚多人傑
明公出固然
巖壑真氣繞
江漢地
靈偏舊業元
稱白冲齡已
與玄南金光
的爍東
箭美嬋娟賦
自凌雲起
經從縹緲
露傳海鵬看
直上天馬任
孤騫貢禹
彈冠日吾丘
待詔年班行
卽霄漢侍從
列神仙
起草郎官重
含香 聖主

憐彤廷紆計畫澤國借旬宣珂散燕山月帷褰
注柯烟棠陰交廣陌榆影遍平田板蕤寧傷手
裁蒲不用鞭潢池俱賣劍野井亦留錢岳牧聲
名大羣公薦疏聯碧梧瞻鳳覽喬木賀鶯遷絳
節來天上龍鈎去斗邊驅車蠻瘴避登座惠文
懸外事歸陳臬殊方頽化權明堂須大呂清廟
憶朱絃喉舌看村轉星辰聽履旋當途遲碩德
門下記陶甄托驥懷深願登龍想再緣感恩躬
坎壈送別涕潏潏心並覓旌遠眼隨畫鷁穿臨

風空慷慨欲賦不成篇

龍騰山房者同年羅光寓讀書處其家大人復構亭隱焉爲賦是詩

山勢三巴壯江流九派通
草亭圍萬竹石壁俯孤楓
大別朝雲暗峨眉秋月空
玄被楊子宅經譯梵王宮
山有寺鵬鷲飛騰裏魚龍變化中
帳空寧怨鶴天濶更冥鴻
商嶺饒芝圃淮陰長桂叢
何人似諸葛床下拜龐公

蕭太公八十詩

鹿門麗處士漢代魯申公經術時方貴沈冥道
與通鳳還丹穴產駒是渥洼雄石戶踪長秘金
門藉已崇靈芝滋瑞液玉樹引薰風冠服秦廷
豸春秋渭水熊勝筵開履道壽酒出新豐草染
巴雲翠花明蜀錦紅江山邀綠杖景物媚青瞳
見說海人屋簷添方未窮

同馮士蒙葉思梅李上林陳青玉遊棲霞
山房同賦

分曹同大隱訪勝向諸天出郭風塵少循山水

石偏巖巒松檜合磴道薜蘿縣雲道高人跡燈
明大士緣坐深林鳥寂晝靜鉢龍眠挂拂僧歸
定獻花鹿解禪開尊真塔爾懷古亦悠然六代
餘芳草千門變莫烟宦情江海外物態奕碁前
豈以西方願才知世可捐

再至留署自嘲

自笑三冬客還尋四壁居敢論官不調只嘆歲
云除徑沒蓬蒿裏庭空鳥雀餘霜嚴穿尾集月
冷薄簾虛敗竈生新火塵牕理舊書自饒甘寂

寔誰復借吹噓命薄逢年少才乖與世疎名出
終不負吾道在歸與

江陰顧太公壽詩

延陵遺故里江左盛名家夫子真人瑞仙郎况
國華丹宸覃雨露朱紱離煙霞色並靈芽稚歡
從愛日加羲皇人自古蓬島路非賒試問蒙莊
子長生詎有涯

賦得明月皎夜光

明月吐高樓清暉遍帝州山河蟾魄動城闕

桂華流甲帳疑長
曙重閨總破幽鸞隨天鏡舞
蚌挾夜珠遊歷亂穿槐市
淒迷映柳溝影娥長
不沒九屑若爲休憶別同千里
懷人正九秋不眠孤署客
白髮重生愁

送吳無奇太守之吉安

使竹下南州離筵祖石頭
京雲猶在眼楚樹已含愁
別浦寒潮細前山落木稠
詞場分氣色粉署失風流
雁影來彭蠡龍光動斗牛
星霜高露冕橘袖擁鳴騶
千里求人瘼六條寬帝憂春

田農耕利曉陌女桑柔隱玉連虹見還珠帶月
浮故人何所望膏雨遍鄰陬

送李袞思太守之姑蘓

客有南州彥名高畫省郎飛騰新露冕瀟灑舊
含香天路青雲迥江關紫氣長霞旌連寶帶星
劍動金閨問瘼憐鴻雁揚仁下鳳凰花間齋閣
靜柳外訟庭涼蘭玉人千里風流海一方同心
空有好何以助周行

送范長白督學之滇中

送君白下亭萬里去談經地徼連真氣天邊動
使星殊方同禮樂多士藉儀刑持節穿丹篠帷
紗坐素馨江流梅萼白山色髻螺青迦葉遺鷄
足羅浮出鳳翎滇雲朝彩散昆月夜珠停金碧
應無限全收貢漢廷

送盧克仁太守之青州

聖后勤民日仙郎出守時江雲來祖帳海氣接
前麾欲表齊風大能將漢詔遲銅符何磊落竹
馬正紛披雨色行車至花陰臥閣移敷條從軫

恤問瘼及惇發高第從今最臨岐獨此悲瑤華
如不憺早寄慰相思

送許仰亭憲副之承天

水鏡歸除目星霜動使騶爲郎元韞藉秉憲自
風流祖席分真氣江干起別愁煙雲來漠漠旌
旆去悠悠日淨荆岑色寒高郢樹秋澄清還攬
轡問俗更輕裘墨吏爭投印神都本覆甌衣冠
原廟古弓劍禹湖留香火連靈社山河壯上游
芳蹤羊杜在千載繼嘉猷

秋日苦雨十詠

誰謂悲秋客偏傷對雨情
千山沉爽氣萬葉墜
寒聲不假鞭雷鼓寧煩抗霓旌
驟能翻尾亟瀉
若建瓴輕絳闕疑無曙
銀河欲盡傾野烟吹不
斷林霧積長縈豈有桐魚感
空令石燕驚淒淒
同恨切脉脉助愁生
塞雁低難度天鷄晦不鳴
何來鐘鼓動早晚報新晴

送王四周計部之淮上

君向淮南去正逢桂樹秋
神仙今不見楚水自

東流江樹涼風入河橋暮雨收寒星迎漢節霜
色動吳鉤管視郎官少珂鳴使者騶閭閻思撫
字少府急誅求吊古懷偏壯憂時髮欲愁浮雲
如捲盡好上望京樓

寄懷南臯鄒先生十六韻

豈謂橫舟久猶言俟駕遲主恩終不薄天意
尚須疑周步艱難日商霖想望時幾人同出處
四海伺安危爭識鄭公履方圍謝傅基栖真留
谷口訪古向仇池斗氣雙龍劍江流一釣絲青

春吟砌藥雨夜摘岩芝野老能爭席諸生稍問
奇程門羅自設蔣逕竹還披漆簡書三冊韋編
易九師千秋神獨往萬態俗都遺袞袞朝中彥
悠悠世上兒曹蚨何意氣司馬獨逶迤宣室釐
還受天章閣可窺佳人終未遠要與碧雲期

輓少宰雲嶠先生劉公三十韻

有客騎箕尾何人續大招嶽靈驚欲散斗氣訝
全銷黯淡霾江日倉皇叫朔颿還真疑大塊馭
氣想層霄伊昔風雲會皆言宅俊饒羣英爭奮

角夫子獨嫵姚簪筆彤扉近
雙經閣夜迢漆書窮魯夾竹
簡綴瓊瑤岐石徵周鼓虞球
識舜韶耆儒交避席才子讓
鳴鑣謝病思江海尋山愛
寂寥許身終稷契狎侶且
漁樵捉鼻嗤安石拍肩逢
子喬道隆時共泰心遠跡
還超自欲深中谷憑誰壯
本朝作人須棫樸品士擢
薪翹霖雨宜求說文思擬
佐堯萬流趨砥柱列宿遶
璇杓方擊中流楫俄催大
道輶鵬從庚子至鷄作
酉年妖王碎餘沙礫蘭焚
長艾蕭水霜歲慘慄

風雨室漂搖丹旆徐方遠素車楚水遙龍精原
自化鶴駕許誰邀言念遊南國欣逢植漢標陽
春私小草膏雨潤微苗箇取椽中棄琴收爨下
焦愴離懷御李嘆逝忽哀橋哭有西州慟尊爲
北海澆素旗空自揭欲誅不成謠

正陽謁關壯繆侯廟

漢鼎當年裂時危仗虎臣岷峨開國遠荆漢建
牙新磊落與王志驅馳報主身威名揚北伐勇
略愴殊鄰豈謂雄圖挫空聞大義伸全軍天慘

澹半道事酸辛一死明忠信千秋泣鬼神崇祠
王土徧秩祀帝城親座擁靈旗色門臨細柳
春鼓擊思將帥刁斗憶風塵英爽驚沙漠餘忠
護紫宸傷心論往事今古幾沾巾

少南黃君謁大士補陀山歸過吾廬譚海
上事甚悉余謂此奇遊也不可無紀爲賦

六韻

客有乘桴興言旋自落迦衣裳餘海氣口吻帶
蒼霞風送凌空鳥波浮上漢槎琅函探貝葉寶

座認蓮花去矣靈山近歸與鄉路賒奇遊余自
阻對爾惜年華

送方廣文之任常德

絳帳切雲開高齋碧落隈

郡學在碧落山之麓

花陰深講

座樹色滿書臺問字常留客論文數美杯金收
南國品箭有會稽材楚水移官遠江城惜別哀
歲寒搖落盡霜月首重回

述舊杼懷寄同年鄧刺史時寧廿四韻

窮律冰霜轉幽居歲月深舊遊還似夢往事尚

驚心憶管陪羣玉惟君契斷金
雄雌雷煥劍山水伯牙琴
北上登車興南浮鼓楫吟
晝行常把袂宵臥每連衾
飯共青菰飽酒同綠蟻斟
交情真不淺世事苦難謀
失路雙垂淚臨岐一拊襟
萍蓬悲聚散魚雁嘆浮沉
作放君行邁爲郎我滯淫
黃山書未赴白下約誰尋
候館雨難歇空梁月易陰
三關閩海曲五嶺粵江潯
悵悵思貽縞悠悠記盍簪
張衡愁悵望宋玉罷登臨
豈謂桑惟梓居然商與參
退非三舍避老已二毛侵

憂病應填壑懷思但仰岑碧雲空欲合翠霧杳
能靄漫想故人駕時聞思婦砧孤村何寂歷落
葉更蕭森暝色牛羊徑寒聲烏雀林題詩緣瀉
恨悽絕類商音

寄張元平方伯二十韻時備兵隴右續最
白下爲郎日青雲結客年聲名惟爾大意氣許
誰先筆妙千秋近詩成萬口傳王褒推頌聖鄒
衍讓談天擢秀金莖逼蜚英棣萼聯驥奔應逐
電鵬起必橫烟盡省星辰切清朝雨露偏承明

還謁帝建禮更登仙經遠須長策分憂屬大
賢文星初去闕紫氣忽臨邊劍拂胡霜動弓彎
漢月懸欒槍消異域尊俎靜中權萬竈貔貅擁
千山蹀躞連平胡今李廣奉使咎張騫寵數宜
專鉞交親願執鞭仰高洵卓爾懷舊獨悽然目
斷雲霄迥魂驚歲月遷朔風迷隴首芳草變江
孺雁塞楊旌入龍墀曳履旋無端遙夜意矯首
望台躔

送廣文毛玉亭赴袁州別駕十二韻

憶爾分符日爭傳製錦名上書俄謝病解纜爲
逃榮心自風塵遠身還去住輕風高漢仙令道
重曾諸生秉鐸思先覺橫經借老成江秋官舍
冷山曉講帷清秀句花前得芳醪竹下傾幽齋
方夢蝶喬木忽遷鶯佩色千秋在屏星五夜明
橋門還惜別烟樹正關情岐路青綳擁高臺紫
氣迎遙看千騎去到日滿春聲

袁有宜春臺

代壽朱廷尉密所十四韻

試問簪裳客誰爲社稷臣君才堪比汲天意本

生甲勁氣橫霄漢，雄風邁等倫。丰神元磊落，肝膽獨輪茵。慷慨登朝日，艱難報主身。澄清思攬轡，搏擊念埋輪。牛渚犀燃夜，鳳城律轉春。星搖劍文動，霜肅簡花新。已見臺端重，還亨世路屯。宸衷勤眷注，衆口屈經綸。許國心常赤，憂時髮若銀。風霜寒棘寺，雨露切楓宸。天壽基平格，人情望統均。賢臣宜有頌，早見畫麒麟。

又代

序朝論舊德，屈指幾人同。白社邀陶令，蒼生望

謝公持平西省重攬轡故都雄手可扶天極心
如貫日虹客星江海遠鄉月祭壇通毓瑞原崧
嶽承恩自漢宮縣弧高曙色開宴對春風擬作
龍門客通家愧孔融

夜坐雨雹大作紀異十韻

歲二月初七
夜

一夕天心異蒼茫事可猜千山飛雨礮萬壑吼
冰雷亂石翻仍裂危簷壓欲摧驟疑欹尾入密
作打牕來似鏃穿雲幕如丸走月臺電奔還黯
淡風擁更喧厯空谷填應滿玄崖白乍堆圃蔬

不
留
甲
疇
麥
僅
餘
芟
鳥
窟
無
完
卵
人
饑
會
析
骸
漢
庭
災
異
對
誰
召
廣
川
才

讀杜陵秦州雜詩

可
憎
風
塵
際
長
依
戎
馬
間
敝
裘
仍
慶
隴
孤
劍
迴
臨
關
漢
月
催
征
思
胡
霜
犯
客
顏
黃
雲
秋
滿
陣
首
蒼
晚
連
山
出
塞
兵
常
結
尋
源
使
幾
還
神
魚
潛
未
見
高
鵠
去
難
攀
避
地
防
危
迫
經
年
恨
險
艱
天
寒
鳴
盡
角
夜
靜
響
刀
環
魚
海
驚
傳
檄
鵠
行
憶
舊
班
北
庭
風
慘
澹
南
郭
水
潺
湲
採
藥
幽
崖
邃
藏
書
古

穴間仇池真可到不恨鬢毛班

服除里居述懷四十韻

咄咄書空裏悠悠混俗身歲華驚在苒踪跡嘆
沉淪伏枕徒淹日開尊復送春飛花辭樹數啼
鳥囀簷頻觸事心偏迫平生意未伸青箱垂老
負黃卷少年覲被褐希懷玉爲儒擬席珍潛神
窺象表高視薄風塵氣義蕭朱合文章沈鮑鄰
搏空思直上失路竟遑迤龍劍曾埋獄貂裘幾
去秦楊雄終吐鳳原憲久縣鶉通籍名何晚爲

郎命復屯南曹初隱吏西閣苦留人署異舍香
寵官非起草真袖身長傍母徇祿未忘貧經術
蒙推許聲華豈絕倫蹉跎飄素髮展轉抗朱輪
不謁中朝貴還將外臬陳客星嚴瀨動春樹武
夷新越微氛常淨閩山俗再淳勲名虛牧伯干
請絕平津燕喜思歌魯間居念返闈風雲倏變
異岬岵共酸辛鷄骨起還仆烏啼夜復晨殘生
魂魄散多病齒牙湮宅近王喬嶺城連錦水濱
登臨饒物色去住獨逡巡藥裹依丹竈煙波逐

釣綸山行憑短屐野坐藉荆榛猿鶴時相狎
琴頗怪嗔 廟堂收杞梓林谷老松筠汲引時
難料墮頽氣少振形骸逾骯髒肝膽枉輪茵汲
黯道常直嵇康性不馴轍中枯可待槎上去何
困慷慨秋乘塞慙慙夜禮辰東躬防躍冶任運
信陶鈞膠漆元非偶雲龍合有神從來江海士
幾見盡麒麟

寄懷友人陳憲副赤石二十六韻

秋色大江邊
懷人起暮烟
芝城心獨往
錦水淚

雙縣名士推文度諸儒讓服虔棄官身世遠遁
跡歲時遷花嶼饒幽賞茅齋喜靜便菊芳彭澤
圃稻熟灑西田月冷冰壺夜雲深罨畫天登樓
寧作賦面壁且逃禪堂上靈椿並堦前棣萼聯
姜衾宥輒側萊綵晝蹕隨伯仲俱曾閱神仙有
偃佺素心輕鼎呂高視薄貂蟬憶管追游日俱
爲壯盛年分曹參列宿簪筆間時賢意氣君誰
比交情我最偏風霜纏寶劍流水奏朱絃合沓
青山屐差池粉署肩幽栳蔣逕竹靜覓虎溪蓮

結綬巡吳甸，寒帷度越壩。憂時同買直，奉使慕
張騫。離別腸堪斷，登臨眼欲穿。東平稽命駕，剡
曲惜回船。梁鷗空傳札，管寧詎割氈。關山終阻
濶，鞭弭望周旋。白壁無瑕玷，紅顏未棄捐。濟時
應未晚，邂逅列星躔。

李方伯夢白權大京兆有贈

地濶西江遠，天回北斗親。紫垣高象緯，丹極出
絲綸。藉藉新京兆，翩翩漢近臣。紅顏驚殿陛，青
鬢照勾陳。張敞羞前躅，王尊避後塵。卷阿鳴鳳

味巨壑蹤龍鱗經術元高第手猷妙入神五陵
趨畫戟三輔擁朱輪搏擊風雲便澄清氣象新
稍遷猶栢府特簡在 楓宸周澤宜霖雨大名
合統均蒼茫啼雁浦蕭颯落霞津難捨衮衣去
愁瞻玉珮頻棠陰紛巷陌柳色黯郊闔欲借知
無力重臨豈有因蹇帷仍注目臥轍動沾巾別
有滄浪客曾陪畫省鄰提携懸結綬誦法獨書
紳離別傷岐路衰遲謝席珍綈袍千古意何以
振沉淪

聞湖口稅使撤歸志喜十韻

初南康守吳公被逮其夫

人自經死故有毀壁之句

有詔徵中使湖關一日開
璫聲歸左掖絲語出蓬萊
聖澤寬如海人歡振若雷
舟航輕萬里商旅集重陔
憶管征求急頻年水火催
亡徒張虎翼估客暴魚鰓
共苦告緡密兼聞毀壁災
時清終可待事往尚堪猜
江海全生氣凶渠盡死灰
棹歌烟水濶西接豫章臺

送沈華東憲使之閩轄十六韻

孟博澄清日山濤啟事年黃扉優詔數紫甸好
音傳行省還虛轄平章重借賢雲霄今已逼雨
露更誰偏劍動三關色帷褰萬里天由來聲價
重藉甚大名縣珪璧充庭貴珊瑚出海鮮瑩心
明似雪勁節直如弦經術高東海一壘書勞穎
川朝綱需執法人瘼寄旬宣卿月通宸極使
星傍澤壩老成推驥足年少失鳶肩龍氣牛斗
下鴻聲彭蠡邊攀轅今日淚騎竹向來緣風采
思披霧恩波想漏泉九重行授鉞遙夜聖台

躔

謁周節愍公祠

故瑞州守死華林之難其子偕焉

國憶艱難日人思保障功
長纓堪繫寇寶劍竟淪空
不死英靈在猶生廟貌雄
古今同一盡父子孰雙忠
壯氣清秋色悲聲古木風
烏號曾自挽夜月尚如弓

次彭城

吊古彭城道英雄事可哀
河山經宰割霸氣莽風雷
一日雄圖盡千秋野殿開
美人化塵土戰

地入蓬萊落日烏常聚寒林鶴自迴秋風行客
淚騎馬傍高臺

渡黃河

問渡黃流口洪波萬頃風浪花飛峭壁秋影接
寒空嘶惜黿鼉湧舟隨鴉鷁通雲翻天共黑霞
倒日俱紅白馬漢皇祀玄圭夏后功千秋燠金
碧龍伯有新宮

賦得陌上塵

欲望長安日陌頭塵正紅輕飾如捲霧亂起忽

隨風漠漠籠晴樹
霏霏障碧空
青牛迷遠近
白馬失西東
紺幘疑陰度
香車忽暗通
聖輪愁孔
傅舉扇笑王公
樓閣靈雲外
關河積氣中
悲歌惟一叟
素髮喜相蒙

抵京作紀行述懷凡六十韻

南國秋雲壯
北風爽氣蘓
瘴消澤畔草
寒入井邊梧
蟋蟀方依戶
驪駒忽首途
居人共無語
游子獨長吁
旌旆飛郊野
壺觴夾路隅
班荆羅故舊
折柳惜凋枯
醉裏傷心別
愁來吊影孤
旗亭

初悵望鄉樹轉模糊碧落隱屏障廬峯列畫圖
雙林經古剎萬仞對香爐雉堞孤城峻魚龍九
派趨雨帆隨石燕風嘶逐檣烏入楚乾坤大沿
江土俗殊連村圍橘柚斷浦沒菰蘆山鬼迎人
笑哀猿入夜呼浮空鴻雁迴亂水鶴鵝鋪霜月
懸青鏡風雷吼轆轤前經肥子國再宿畹君都
漢祀曾移霍許軍幾困吳戰場餘古木輦路入
寒蕪霸業成今古神仙定有無浩歌臨大陸按
轡出泥塗分野江淮異洪濤汴泗俱黃皇高

帝里紫氣曜天衢豐鎬千秋固梯航萬國輸青
徐遙在眼河濟遙相逾封域仍周建山川盡禹
敷詩書存魯鐸人物濫齊竽冠劍紛遊俠英雄
隱釣屠倉皇聞歲稔蕭瑟念民劬已覺絃歌少
還愁井邑逋逢人憂杼軸比屋惜桑榆孰起蒸
黎困休嗟我馬瘠幽燕來遠眺畿輔縱長驅赤
縣烽烟靜黃圖帶礪紆盧龍高作壁碣石奠如
于孟城闕金甌鞏河山繡轂扶喧厖藏陸海浩蕩
納寰區地擁宸居壯天開北斗樞周行雜鵷

鷺羽衛列熊羆濟濟高時棟堂堂冠士模盱衡
單管晏緩帶講唐虞價重崑山玉光騰滄海珠
有心生羽翼無計挽衰癯伊谷豪遊始曾饒膽
氣麓琴書矜磊落表馬恣歡娛幸舍羞彈缺關
門學棄繻匡時賈傅策籌國子房謨自許一鳴
早那知萬事迂蹉跎生計拙流落歲華徂四海
誰知已百年一腐儒晚收寧遇合冗仕寄凡愚
謬起郎官草仍分使者符朱幡增氣色素髮滿
頭顱勲業應難就文章敢自誣世人輕骭髀路

鬼笑柳榆說異韓公子悲非楚大夫委蛇原不
忝擺落復何須不擬封侯骨還捐報國軀行藏
吾未計陶冶任洪爐

贈王光祿季良十韻

風流名下士清切禁中郎歸拾春江翠來含漢
殿香承家元琬琰就列間琳瑯爲別魂常黯相
逢鬢尚蒼城笳吹曉月御柳落秋霜客思寒偏
急交情老獨長側聞親鳳輦喜見入鸞行尙食
天顏近開筵御幄張雉羨調自獻仙露渴仍

嘗晉室有遺事知君解可揚

連日早發抵莫不休書此寫懷

天涯長作客歲晏始言還
鴉暝猶遵路鷄鳴已度關
征魂迷旅樹殘夢認家山
霜露寒兼病風塵暗損顏
功名蝸角上身世馬蹄間
莫向雲霄望冥鴻未可攀

春已強半道中未見花作此寓感

春花何太晚况復恨離居
入眼煙光薄傷心野興虛
道途常寂寞冰雪未消除
竹外紅難數風

前香更疎狂歌情獨苦載酒意何如想像鶯啼
切芳菲滿傲廬

涓川

涓水春流濶乘輿此日過
擘花紅照影堤柳綠
含波細雨沾襟濕徐風拂面和川原長帶礪世
代幾消磨遺愛聲如在殘碑跡未訛無由薦瓢
渌回首付長歌

送董君謨大叅入賀十二韻

天畔三花路懷人獨渺然陸機方在洛鄒衍欲

游燕漳樹來青雨崧高隔紫烟一星朝北斗雙
劍指南天鼓角秋聲動關河曙色連玉珂雲共
遠金鏡月俱圓花自玄都滿柳從太液鮮聞鐘
趨簇仗待漏聽鳴鞭窈窕窺清禁殷勤捧

御筵長拂時不異宣室席堪前盛事此焉在大
名久矣傳雙魚如有寄爲寫帝京篇

聽蟬

綠樹廣庭陰玄蟬斷續吟占枝侵露早抱葉帶
雲深獨唱何淒切相和轉滯滯日斜聲未歇風

過響初沈悲入高樓笛清連子夜砧關山離別
恨兒女歲時心每聽魂先斷頻傷淚滿襟霜颺
何日至寂寞罷哀音

七夕前賦

天涯臨巧夕秋色已蕭騷河漢星期近樓臺月
影高愁心生白露涼氣入青袍客路悲長劍家
人望大刀雲霄無羽翼江海有波濤西上瞻烏
鵲東飛嘆伯勞蹉跎羞短髮汨沒賴香醪欲問
支機石枯槎未可遭

九日

河朔登高處秋風似故園
黃花隨意好白髮與
愁繁搖落驚千里風流寄一尊
天邊看過雁雲
外想啼猿紗帽吹還戀
貂裘敝尚存祇應歌倚
樹送老向江村

署中燕坐自嘲兼寓歸懷

江海雙蓬鬢乾坤一腐儒
祇應岩下老何事府
中趨畏日汗常浹秋風病不蘓
幸然稀簿領敢
復嘆塵途藥餌還加減
詩篇更有無西園飛蓋

寒曉寒空麥有漁陽秀禾兼澤國豐西門遺往
蹟鄭白繼奇功疏鑿勤良牧謳唵慰野童柳陰
還却蓋花徑好停驄魚鳥行天上亭臺入鏡中
使君纓可濯聊和壤歌風

荅贈趙我白太史二十韻

左掖通鱗陞西清近木天何人長講帝夫子
舊登仙高視三千界雄飛二十年萬金南北重
趙壁古今圓出入親宸幄雍容侍講筵青
編綴珠玉赤管雜雲烟左馬無前躅夔龍更比

陳氏補華詩集卷之十四
二十七
肩爐香華蓋逼星象上台懸紫誥頻兼繪黃麻
會早宣 皇猷資黼黻國士仰陶甄有客今頭
白平生獨守玄雲程思驪尾喬木美鶯遷悵望
心徒切蹉跎病不痊典籤誰記憶束帶謬周旋
作吏風塵下懷人日月邊班荆情不薄折柳意
茫然酒憶山陽會詩傳鳳沼篇起予真有與鑄
物豈無權高誼存蓬稷微情托蕙荃不眠瞻碧
漢槎上愧張騫

滄陽送鄧澹如北上

送子向河梁躊躇大道旁
馬嘶沙草白塵起夏
雲黃劍烏天邊遠關河
望裏長風流還結客韉
藉合爲郎入幕輕孫楚
題才遇子將佳名追仗
策妙譽羨含香通籍依
薇省承恩出建章鷄聲
應候曉鶴蓋自成行離
別當垂老雲山况異鄉
紅亭杯酒罷鴉影在斜陽

送丘見南太史使洛歸里十韻

仙班初輟直馳道早鳴
騶剪葉傳周陞分茅奠
禹州三河元要服二室
更奇遊地逼龍門迥天

從砥柱浮烟雲收彩筆星象動霜鈎洛水驚鴻
逝緱山控鶴留梁臺多故事漢使獨風流供奉
心長切江湖興自幽章濱明月夜劍渚雁聲秋
何限真人紫還飛故國樓

九日用杜韻

吹帽龍山曲食英濯錦源登臨心欲絕俯仰興
猶存河朔千家雨春明萬里門鬢絲翻鏡雪淚
點滛衫痕慘澹迷鄉樹淒涼具客尊常憂兒輩
覺愁思向誰論

吾鄉有龍山錦水故云

陳氏荷華山房詩稿卷之十四終

陳氏荷華山房詩稿卷之十五

高安陳邦瞻德遠著

七言律詩七十四首

泊小孤

驅石何年到海邊
孤根突自插重淵
氣蒸吳楚千江合
勢壓東南萬仞懸
雲破中天支玉柱
月明大地湧青蓮
我來恍惚聞吟嘯
疑有蛟龍夜不眠

俊卿侍御奉命按江有贈

石頭山色送行騶千里澄清此壯遊
饒吹入雲浮地響戈船鋪鏡壓天流
登臺月滿連城夕倚劍霜生列戍秋
自是法星長傍闕飛章時見動前旒

無題

閨裏佳人憶大刀愁將錦字寄征袍
青鸞鏡暗塵猶積紫鳳簫寒月正高
梁雪有情迴兔苑楚蘭無夢寄湘臯
但逢西上還雙鯉莫怨東飛自伯勞

哭吳少峯大尹

遺榮肯惜一官遲，厭世還遭二豎窺。
庭樹霜寒傷白髮，牕楹月暗泣蛾眉。
琴亡千載風流盡，劍掛他年宿草悲。
莫道過從諳五柳，眼看搖落益淒其。

范比部擢守鎮江寄贈三首

吏能經術並稱雄，藉甚聲名自漢宮。
三尺久平中執法，一麾新領右扶風。
月寒合浦珠仍在，春滿潢池劍已空。
莫恠郡城時下鳳，名家人自出。

河東

其二

聽罷尚書曳履餘東方千騎上頭居芸香尚襲
郎官草花色爭迎刺史車坐嘯風清生案牘退
公日淨散琴書亦知緣飾能無害可但廉循盡
不如

其三

丹陽列郡首三吳太守風流天下無暇日煙雲
生劍鳥醉時魚鳥狎江湖潮迴鐵甕江聲合月

上金山海氣孤騰有歌謠傳樂府中和不獨在
成都

與范敬之太守登金山

拂衣遙上翠雲隈面面波光海色來下界疎鐘
風外合諸天傑閣水中開江山今古清帆影吳
越興亡濁酒杯漫道登高能賦客憑君更試大
夫才

伯容出示諸禪師語錄漫呈一律

水月高齋坐正寒攤經無處覓心安諸天不覩

曇花現永夜空翻貝葉殘幾度從牛曾出乳由
來食馬定遺肝饒君獨解團蕉意一吸西江未
是難

山居秋思八首

楚客逢秋意獨哀草黃霜白似相催蕭條門巷
來風雨流落生涯傍酒杯疎樹城邊人欲斷莫
天江上首重回空能逸興憑雲海倚劍遙臨何
處臺

其二

曾隨計吏趨京國，目極西山聳碧空。
萬里關河晴雪裏，五陵冠蓋曙烟中。
上書獻納誰金馬，憑几憂勤自漢宮。
遲莫滄江驚歲晚，幾將心事托飛鴻。

其三

石城高枕大江秋，鼓棹曾登江上樓。
王樹未殘龍虎氣，金甌復表帝王州。
一丸封並函關壯，九鼎遷同洛邑留。
無限先朝根本意，肯隨六代論風流。

其四

中原尚憶趨庭日，獨上平臺感慨多。
明月君王曾置酒，秋風賓客罷鳴珂。
蒹葭搖落黃流滿，鴻雁微茫莫雪過。
我亦倦遊工作賦，十年彩筆益蹉跎。

其五

樹杪西峯一點青，章江時泛錦江舲。
城頭雨莫留高閣，潮上天空見草亭。
萬里偶題詞客句，千秋猶識少微星。
山川不共風流盡，落日烟波思

轉冥

其六

扁舟東下廬山色
矯首蒼茫望不羣
匹練白飛銀漢落
雙龍紫樹斗牛分
天開石鏡蟾蜍魄
地擁雲屏錦繡文
漫學向平尋五嶽
永鋤芝木伴匡君

其七

黃雲漠漠草蕭蕭
聞道邊關殺氣饒
壯士從軍差可樂
書生乘障不辭遙
帛傳漢苑秋回雁
羽

沒胡天晚射鵬誓使單于親款塞功名那復羨
嫋姚

其八

高樓獨夜夢魂清霜入楓林落葉驚旅雁寒聲
多遠思美人尺素滿離情砧前明月家家曉笛
裏梅花處處生賴是新篇堪氣色江湖何地傍
詩名

九月八日對雨自嘲

亂翠浮天點點垂坐來如畫轉堪奇平林雨暝

人行少遠岫雲寒鳥度遲自對秋霜羞短髮忽
驚春雪媚吾詩鶻冠誤盡平生意一任狂風醉
裏吹

九日陪諸丈家集適俊卿侍御予告兼贈
二首

木落波澄雁逝空江南處處起雄風斗邊忽掛
雙龍紫花際新停駟馬驄濁酒還攜蓮社裏清
談况集竹林中君看授簡俱能賦可使登臨興
易窮

其二

湖海音塵未渺茫，高秋佳會動雲涼。卽論詞賦
多同調，况說登臨是故鄉。采菊可忘高士興，樽
萸聊學少年狂。從來星聚吾家事，不待東行紫
氣長。

記哀

當年詩禮罷趨庭，風雨殘燈共杳冥。生死弟兄
悲自吊，歲時兒女泣相聽。清秋落月啼猿切，寒
食荒原宿草青。天地幸餘鷄骨在，弓裘無計挽

飄零

送湛虛家叔北補官廣文

詞賦于今更似雉無人能爲薦河東運來郢手
斤偏疾鼓罷齊門瑟轉工寒入青氈催帶雨春
回絳帳待生風離尊自動河梁色目極燕雲有
去鴻

登小浮丘

湖山遠跡動經年長憶浮丘小洞天爲泛一瓢
秋水薦還憑雙屐野雲穿幾虛物外長生契未

了人間大隱緣此際不堪孤興往眼看白鳥破
蒼烟

以事赴省舟中作

楚天回首正茫茫留滯誰能念子長孤枕不堪
風雨夕扁舟况在水雲鄉家人占鵲浪傳喜客
子聞猿已斷腸應是窮愁雙鬢切朝來飛入鏡
中霜

北上過滕王閣

鄉思憑欄渺未窮關山指點別離中風高平楚

斜吹木雲細寒汀暝度鴻吊古豪華千載盡悲
秋蕭瑟萬家同可憐才子飄淪日愁絕珠簾雨
莫空

送張時建文學之達州

十年獻賦未成名萬里譚經亦壯行流寓天開
夔子國登臨花重錦官城絳紗朝奪巫雲色綵
筆春回雪浪聲見說佳魚來丙穴何如彈鋏負
餘情

北征至杭邂逅友人宋清宇時生如越出

不意

關山何處不沾裳，忽漫相逢喜欲狂。
流落故人重對酒，登臨遊子正思鄉。
離情偏向中年惡，笑語其如此夜良。
君去越王臺上望，鳥飛不盡莫天長。

雪

同雲萬里入憑欄，漸覺青山失古歡。
去鳥杳從空際沒，行人如在畫中看。
月明夜閣浮天遠，花壓南枝重曉寒。
風物最奇遊興盡，只堪高臥學

袁安

槐亭王僉憲族燬於火厥居巋然獨在賦
此志贈

見說城南一炬紅正憐燕雀處堂空誰從漢殿
遙飛雨自向江陵獨反風掃架圖書原繚繞映
堦竹樹轉青蔥漫勞上客焦頭意爲有陰功護
祝融

九日

秋風日夜轉悲筇吹入離愁倍可嗟九日寒霜

催白雁一尊今雨負黃花天高日極歸雲細野
濶心驚落木斜莫向佳辰辭痛飲故園回首卽
天涯

謁岳王墓

金牌自奉班師詔鐵馬空懸報主勞事去孤臣
甘一死人亡故國等秋毫祠前松柏森戈戟海
上風雲儼節旄獨有鴟夷銜恨意千年共作浙
江濤

過符離

澹日寒烟古戍悲北征猶自痛南師何應鐵馬
千羣散遂使金城萬里危孝宗云朕倚魏公如長城督府俄
聞收節鉞中原無復望旌旗至今寂寞荒郊草
尚似當年怨黍離

下第南歸

薊門柳色映桑乾送客依然不忍看愁裏俠心
餘擊筑窮來壯志負彈冠目縣鄉國雲偏積歌
入關山路轉難却笑十年塵土夢空隨紅日抱
長安

送聶侍御還南臺

五色征驄遍兩畿
晴雲偏映侍臣衣
上林春暖羣烏集
南國天空一鶚飛
日近每承溫旨借
時清可道諫書稀
極知補袞無窮意
長似烟霄捧禁闈

送鄧時寧北上

春色偏宜醉叵羅
尊前何事有驪歌
不堪遠道愁心切
况是孤城夜雨多
射策高名推片玉
朝天清興動雙珂
亦知意氣相逢在
別淚虛添錦

水波

送范敬之憲副監軍浙江

南浦秋颿入早涼
高帆遙逐錦雲張
霞標已動赤城色
金粟初浮紺宇香
臨嶠開尊濤似雪
登樓倚劍月如霜
縣知不盡澄清意
肯使波聲到海揚

送俊卿丈之保寧太守

萬里褰帷洵壯遊
閩中形勝最梁州
插天翠嶺爲屏立
遶郭澄江作宇流
驛路春花遙引興
故

園楊柳獨生愁應憐竹馬逢迎切猶爲情親小
滯留

贈楊二守

君初授官吏部
以選注馬市

材雄自合借清時風采當年水鏡知已傍高牙
臨屬國還分使竹襴諸夷千羣雲錦無留市萬
里刀耕有去思爲愛循良聲跡遍不妨半刺少
棲遲

送郡侯孟公之雲南憲副三首

千里清風坐嘯孤若論經術漢庭無管餘視草

仍裁竹鞭作官刑稍用蒲霧散晉城無隱王丹
寒合浦有明珠那教此日留行處老穉扶携不
載途

其二

矯首遙天望不迷真人紫氣夜郎西秋風劍佩
寒金馬明月尊壘映碧鷄火戍千山清鼓角刀
耕萬井樂雕題二原太宰公同調開府南荒事
可稽

其三

如聞家世主恩偏
夙有威名徼外傳
日近鳳毛輝漢詔
霜空鷹翮破蠻烟
昆池曲泛銀河水
屏石層臨菜玉天
萬里澄清三尺法
何須下瀨擁樓船

錫山王侍御石沙祠
閩人士爲建于故讀
書處

粉榆何必異桐鄉
俎豆遠臨舊講堂
梁月未空顏色在
海雲不斷去思長
落梅淒切門人笛
薦藻殷勤國士觴
試看堦前叅列栢
年年秋氣蕭

臺霜

贈王從事

烏衣門第元江左，繡斧威名自內臺。
王樹君誇庭下秀，錦城人羨幕中才。
春風入座陪清嘯，山色當牕落酒杯。
更憶聞詩鷺掖舊，玉河官柳待重來。

長安秋懷八首

九月燕山落木深，朔鴻嘹唳送哀音。
關河幾縱登高目，風雨偏違望遠心。
踪跡祇憑孤影在，歲

華容易一毛侵原無大隱金門計漫學東方嘆
陸沉

其二

南雲西日兩茫茫臥病懷人總斷腸獻賦無心
誇羽獵題詩有恨送河梁天斜星漢尊前耿月
暗關山笛裏長莫恠多愁同宋玉殘秋何事不
淒涼

其三

漢家秋色滿離宮金井梧桐恨未窮寒氣乍凝

仙掌露悲聲長繞石鯨風夜沉銅漏千門靜天
淡銀河一水空想像宸遊何處樂霓裳應舞月
華中

其四

萬里戈船絙海雲長城鐵馬亦千羣營屯劍氣
橫朝日院落砧聲急夜分思婦空啼明月塞孤
兒早屬羽林軍還聞閭左騷秦戎不覩轅門策
漢勳

其五

愁聞南國火雲垂千里蕭條此一時已是闔闔
空杼軸那能桑柘惜流移風塵尺素無消息霜
月天涯有夢思稍喜寬租封事入漢庭恩詔未
應遲

其六

平生落魄寄江湖客裏逢秋興不孤公子西園
邀玉尊美人漢浦贈明珠中年懷抱頻飛動往
事風流更有無到處青絲驕白馬憑誰調笑酒
家胡

其七

秋色飄零碣石空依然張翰憶江東曙鐘歸夢
迷寒雨落日遙天沒去鴻露老芙蓉堪結佩烟
深桂樹舊成叢誰憐明月詩千首只共哀蟬咽
晚風

其八

西山高倚碧雲端片片芙蓉色可餐落日松濤
喧萬澗清秋螺黛鬱千盤仙關氣並青牛度梵
閣經同白馬看莫以終南疑捷徑只今鶴夢遠

長安

送沈玄海年丈還越

送客將歸是壯遊，登臨那用更悲秋。
雁連碧石漢雲初薄，蟾靜澄江天欲流。
醉裏吳儂竹枝曲，畫中越女採蓮舟。
遙思南國風流句，八詠誰如沈隱侯。

王鴻臚予告歸吳

典客新鳴白玉珂，忽聞歸興動青蘿。
非干消渴身能病，自是烟霞癖已多。
漢苑夏雲回首盡，吳

夢長

初赴留都棘寺之任途中述懷

臨岐尊酒重依依
違信宿征輶淚未稀
醉後山河迷故國
夢中几席想慈闈
一官虛捧毛生檄
半世猶懸原子衣
躑躅自嫌貧別苦
飄零莫遣壯遊非

途中閱邸報有感

浮言何事起清朝
人滿公車意並驕
已見冷飛
遍大地可聞箠使盡
漁樵驅車四出惟緹騎開

府遙臨總漢貂有客回天心獨苦封章拭目下
雲霄

報曹平子

故人爲別在桑乾千里風塵道路難悵望春烟
迷構李遲回夜月俯長干尺書忽動驪珠色孤
劍遙深紫氣寒爾自高名霄漢滿江湖那得滯
漁竿

周景濂過訪署中賦贈

相逢杯酒重留連已是離愁十二年舊雨遠迷

螺水夢宗風猶記洞山禪天涯淪落催衰髮故
國登臨悵莫烟最是陳蕃能寂寞送君一榻後
高縣

送馮魯宗寅長考績北上

尺書自捧向明光揮手遙看紫氣長海內聲名
推越箭漢庭獻納待馮唐鳴珂曉逐蓬萊月杳
劍秋生碣石霜預恐風流題柱後空令舊侶憶
含香

送呂蘭谷二戶曹監允淮上

射陽秋色逗淮陰君去湖波秋正深萬里天清
來雁影千門月上急鳴砧均輸頻報公車牘軍
國偏籌少府金滿目艱難時事裏可能携與日
登臨

祇台薄遊淮陽不遂過白下言別賦贈

孤館寒燈斷客魂蕭條世事向誰論廣陵夜月
笙歌冷江左高臺烟雨昏秋興我歸張翰里薄
遊君去孟嘗門已知尊酒從容處山下梅開雪

滿村

答陳爲谷寅丈送別

同舍相看玉樹清，君來倍覺法星明。
正憐對酒當秋莫，其奈題詩總別情。
霄漢風流旌劍在，客途氣色夜珠驚。
鴻邊欲寄梅花信，長聽江干雪裏聲。

送李上林寅丈捧表北上時不佞亦東裝

歸里云

萬壑霜催木葉寒，哀鴻別怨滿江干。
風塵我自窮途識，意氣君從上國看。
拜表王春正月禮，舞

衣家慶百年歡時清劍閣如平地李白休歌蜀
道難

留別閣直吾葉思梅張翼明馮魯宗陳省
堂諸文

浮雲馬首塞征途
橋落秋風病未蘇
理佩夢縣鷄寢後
盍簪情緒結鳳城
隅離心欲剖陵陽石
客淚疑庄南海珠
不盡河橋惆悵色
爲君杯酒且斯須

渡江旆折以樓船
獲濟詰朝同侶始
集是

夜對酒有作

中流施解悲無策誰遣樓船破浪來脫險不知
悲喜集望羣猶作死生猜殷勤骨肉燈前語潦
倒賓朋醉裏杯莫道風濤妨利涉世間自有濟
川才

過東林寺

一壘叢林興欲新可憐蓬跡正風塵青山只隱
陶彭澤白社虛懷遠上人洞壑雲深藏窈窕巖
巒翠積吐嶙峋憶從三笑溪橋後千載憑誰更

問津

歲莫書懷

歲晏蕭條滯故丘，飛鴻落木總生愁。
自緣將母羞微祿，敢謂爲郎嘆倦遊。
病後心情隨髮短，窮來身世傍雲浮。
不知篋裏龍泉氣，何事崢嶸向斗牛。

病後對酒有述兼柬伯容叔

歲晏江湖暫寄蹤，白雲喜傍故樓重。
尊前稍欲回狂態，鏡裏何當失病容。
晝靜空庭還對雨，天

寒古廟忽聞鐘
條然如有竹林思
取次玄言屬
嗣宗

陳氏荷華山房詩稿卷之十五終